



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.43. Conversio S. Hermenegildi.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

fuerant, implevit. Jam tu & Bertran-
us Accusator Fratris sui excommuni-
candi estis. Nempe Gregorio objectum
 crimen diluente ipsi calumniæ convin-
 cebantur. *Ego excommunicandus?* in-
 quit Rex, *nihil aliud dixi, quam illa quæ*
ab alio audiveram, atque Episcopis scis-
 citantibus, quis ejusmodi sermonis fuis-
 set Auctor, respondit, Ludastum fuisse.
 Tunc omnium Episcoporum una senten-
 tia fuit, Ludastum, qui tunc discesserat,
 scandali Auctorem, Episcopi calumnia-
 torem, & famæ Reginae, quoad poterat,
 prædonem ab omnibus Ecclesiis esse ex-
 communicandum, dataque Epistola ab-
 sentes Episcopos quid decretum fuisset,
 monuerunt.

Sæculum VI.
 A. C. 580.

Hæc Synodus Brenniana ad annum
 580. refertur.

§. XLIII.

Conversio S. Hermenegildi.

Elapso exinde quadriennio sub initium
 Sept. anno 584. Chilpericus Rigon-
 tem filiam suam Recaredo Leovigildi
 Regis Visigothorum in Hispania filio se-
 cundo genito nuptui dare constituit.
 Levigildus susceptis ex prima uxore duo-
 bus filiis Hermenegildo & Recaredo se-
 cundam duxit Goswindam Athanagildi
 alterius Regis Visigothorum Viduam,
 quæ Brunchildem Regis Sigeberti uxo-

Greg. VI.
 c. 45.
 Id. V. hist.
 c. 39.

Sæculum VI.
A. C. 580.

rem pepererat. Leovigildus filio suo primogenito Hermenegildo Conjugem dedit Ingundem Sigeberti & Brunehildis filiam ideoque Goswindæ Neptem, quam illa in Hispania adventantem maximo gaudio excepit. At brevi Religionis diversitas pacem turbavit; nam Ingundis Religioni Catholicæ fideliter inhærebat, e contra Goswinda Arianæ Hæresis pervicaciter erat addicta. Cum igitur ea Nepti persuadere conaretur, ut pateretur se rebaptizari, & nihil effecisset blanditiis, in furorem acta capillis apprehensam terræ affligit, diu calcibus proterit. Tum sanguine suo perfusam & spoliatam vestibus aquæ immergi jubet, ut invita rebaptizaretur. Nihilominus Ingundis in Fide Catholica perseveravit.

Greg. M. III
Dial. c. 31.
Greg. Tur.
v. hist. c. 39.

Leovigildus
Catholicos
persequitur.

Imo ipsa Hermenegildum Maritum ad Fidem convertit; nam postquam Rex Pater Leovigildus filio, Civitatem Hispalensem dedisset, in qua Sedem figeret, Ingunde vehementer instante, ut Catholicis adscribi vellet, a S. Leandro Episcopo Hispalensi in Doctrina Fidei maxima cura eruditus, cum diu fuisset reluctatus, ad Catholica Sacra transit. In Confirmatione Nomen Joannis accepit, sed sub priore Nomine Hermenegildus notissimus est. Rex Pater, comperta filii conversione, omnes Catholicos perse-

qui

qui cœpit. Multi relegati, aut Bonis Sæculum VI.
 suis spoliati. Alii verberibus affecti, in A. C. 581.
 carceres detrusi, fame, aut variis suppli- Id. Goth.
 ciorum generibus necati. Multi Epis- hist. æra 607.
 copi in Exilium puls, Ecclesiæ suis redi-
 tibus & Privilegiis privata. Haud exi-
 guus Catholicorum numerus vel timore
 fractus, vel Regis munificentia perversus a fide defecit. Aliquos Rex rebaptizari iussit, & quidem etiam Episcopos, quos inter Vincentium Cæsaraugustanum fuisse legimus. Hæc anno 580. Re- Jo. Biclari.
 gni Leovigildi undecimo contigerunt; at anno sequente 581. Toleti Synodum Episcoporum suorum Arianorum celebrari curavit, in qua statutum, ne illi, qui a Religione Romana ad ipsos transferent, amplius rebaptizarentur, sed satis esset, si eis manus imponerentur, & daretur Communio. Item decretum, ut in oratione diceretur: *Gloria Patri per Filium in Spiritu Sancto.* Hæc decisiones causæ fuere, cur multi Catholicorum seducerentur.

Interim Hermenegildus, cum sciret, Patrem sibi interitum parare, ad Græcorum auxilium respexit. S. Leandrum Greg. præf.
 Constantinopolim misit, & pacta iniit in Job.
 cum Præfecto Cæsareo exiguæ Ditionis, Greg. Tur.
 quam ut tueretur, Imperator bellum ad- V. hist. 39.
 versus Visigothos gerebat. Itaque Hermenegildus aperte seditionem commo- VI. hist. c. 43.

Sæculum VI. A.C. 581. vebat, ignarus, inquit Gregorius Turonensis, Dei Judicium sibi imminere, quod Patrem utut Hæreticum invaderet. Patris vero iram reformidans, cum ille misisset, qui filium ad Colloquium invitarent, venire recusavit, quo exacerbatus Leovigildus Græcorum Præfecto numeratis triginta solidorum aureorum millibus corrupto, exercitum eduxit contra filium, qui & ipse, uxore Hispali relicta, sua agmina parenti objecit. Verum ubi dimicandum fuisset, Græcis ab Hermenegildi partibus perfide deficientibus ipse in Ecclesiam fugit, ut triste factum devitaret, quo vel ipse patris manu periret, vel Patri mortem inferre cogeretur. Leovigildus misso ad eum Recaredo altero filio juratam fidem dedit, si se submitteret, nullam pœnam esse subiturum. Petiit Hermenegildus ut Rex Parens ad se veniret in Ecclesiam; tum limen ingredientis pedibus se advolvit. Leovigildus jacentem erigens osculatus est filium, & blande compellatum in castra deduxit. Deinde vero Rege innuente, quibus imperatum erat, Hermenegildum comprehendunt, detractis regiis vestibus centonibus contegunt, famulos omnes uno excepto amovent, & Valentiam in destinati exilii locum ducere cœperunt. Hæc anno 583. Mauritiî Imperatoris secundo, & Leovigildi decimo sexto

sexto gesta sunt. Ingundem vero Her-
menegildi Conjugem Leovigildus capere
non potuit, sed illa in potestate Græco-
rum remansit, dumque illi iter faciunt
Regiam Principem cum filio parvulo ad
Imperatorem perducturi, præmaturo fa-
to e vivis erepta est. Timuit Leovigil-
dus, ne Childebertus Rex defunctæ fra-
ter, injuriam sororis ulturus, sibi bellum
inferret; hinc Chilperici affinitatem ex-
optans pacta de Nuptiis filii sui Recare-
di secundo geniti & Riguntis hujus Re-
gis filix iniiit. Ecce vero antequam
Sponsa in Hispaniam perveniret, Chilpe-
ricus interfectus est, & hæ Nuptiæ nun-
quam initæ sunt. S. Leander Episcopus
Hispalensis Constantinopolim perveniens
Hermenegildi Legatus novum ibi Pa-
triarcham, & novum Imperatorem in-
venit.

§. XLIV.

*Joannes jejunans Patriarcha Constan-
tinopolitanus.*

Euty chius Patriarcha post reditum ad-
huc dum annis quatuor in vivis egit,
& patravit aliqua miracula. Jam Septua-
genarius in morbum incidit, atque Ti-
berio Imperatori ægrotantem se invisen-
ti prædixit Sanctus Episcopus, ipsum
Principem brevi moriturum. Illo etiam
tempore S. Gregorio violenta Febri de-

Sæculum VI.
A. C. 581.

Jo. Bictar.
Greg VI.
hist. c. 43.
VIII. c. 28.

vit. S. Eut.
ap. Boll. 6.

Apr. c. 10.
Greg. XIV.
Mor. c. 29.

I 5 cum